

Reglament davart sustegn per uniuns e gruppaziuns d'interess

per la vischnaunca Lumnezia

Cuntegn

I.	Disposiziuns generalas	3
Art. 1	Principi	3
Art. 2	Sustegn	3
Art. 3	Lavur cumina	3
Art. 4	Premissas	3
Art. 5	Exclusiun	3
II.	Contribuziuns finanzialas	3
Art. 6	Damonda	3
Art. 7	Sustegn finanziel	4
Art. 8	Repartiziun	4
III.	Obligaziuns	4
Art. 9	Communicaziun	4
Art. 10	Collaboraziun	4
Art. 11	Dretg da sponsur	4
Art. 12	Annunzia dissoluziun	4
IV.	Disposiziuns finalas	4
Art. 13	Dretg legal	4
Art. 14	Maldiever	4
Art. 15	Vigur	5
Aschunta		
	Contribuziuns finanzialas	6

Reglament davart sustegn per uniuns

dils 24-03-2014

La suprastonza communal,

sebasond sin art. 3 dalla Constituziun dalla vischnaunca Lumnezia dils 23 da settember 2012,

concluda:

I. Disposiziuns generalas

Art. 1 Principi

Uniuns e gruppaziuns d'interess ein da muntada per il beinstar communal ed influenzeschan l'identitad e l'attractivitat dalla vischnaunca Lumnezia. Ellas augmentan la qualitat da viver cun lur purschidas e promovon il spért da cuminonza. La vischnaunca Lumnezia sustegn e promova quellas activitads.

Art. 2 Sustegn

La vischnaunca sustegn las uniuns e gruppaziuns d'interess

- a) cun contribuziuns finanzialas
- b) cun metter a disposiziun sia infrastructura
- c) cun sustener activitads che promovon giuvenils sil camp da sport

Art. 3 Lavur cumina

La vischnaunca sa sustener las uniuns e gruppaziuns d'interess supplementarmein cun surdar incaricas. Las lavurs vegnan indemnissadas all'uniun cun ina summa pauschala.

Art. 4 Premissas

Per retscheiver in sustegn ston ils suandonts criteris vegnir adempli:

- a) uniun tenor art. 60 ff. dil Cudisch civil Svizzer cun statuts e structuradas organisatoricas
- b) la purschida dall'uniun sto da principi esser accessibla per in e scadin
- c) neginas activitads commercialas cun intents da gudogns
- d) uniun sto haver silmeins 10 commembers cun domicil en vischnaunca
- e) uniun sto mussar ora pliras activitads per onn
- f) gruppaziun d'interess tenor art. 76 dalla constituziun communal ch'ademplescha activitads tenor ses statuts

Art. 5 Exclusiun

Uniuns cun intents immorals ni dubius ein excludas d'in sustegn.

II. Contribuziuns finanzialas

Art. 6 Damonda

¹ Las damondas per contribuziuns annualas ein d'inoltrar annualmeins sin fundament d'ina publicaziun uffiziala cun surdar las statutas (tier l'emprema damonda), ina gliesta dils commembers ed il program annual.

² Las damondas per contribuziuns unicas ein d'inoltrar ordavon alla suprastonza communal cun ina documentaziun dil project ed in preventiv cun in plan da finanziaziun.

Art. 7 Sustegn finanziel

¹ La summa che stat a disposiziun per contribuziuns finanzielas vegn fixada annualmein dalla suprastanza communal e risguardada el preventiv communal.

² Las contribuziuns annualas vegnan fixadas en in'annexa e per ordinari pagadas sin la fin digl onn calendaric.

³ Sur da contribuziuns unicas e honoraziuns per success extraordinaris decida la suprastanza.

Art. 8 Repartiziun

Il sustegn finanziel sedrezza tenor l'annexa da quest reglament e vegn sbursaus:

- a) ad uniuns cun activitads sin ils secturs "art e cultura", "social ed ambient" cun metter a disposiziun l'infrastructura e cun in sustegn finanziel annual
- b) ad uniuns cun activitads sin il sector "sport e moviment" cun metter a disposiziun l'infrastructura e cun in sustegn finanziel annual aschilunsch ch'ei vegn prestau lavur activa per la promoziun da giuvenils. Sco giuvenils vala ina vegliadetgna denter 7 e 20 onns
- c) per projects da muntada regiunala cun contribuziuns unicas
- d) per success extraordinaris sil scalem cantunal e federal ed internaziunal cun contribuziuns da honoraziun
- e) a gruppaziuns d'interess tenor art. 76 dalla constituziun communal

III. Obligaziuns

Art. 9 Communicaziun

La vischnaunca dat allas uniuns e gruppaziuns d'interess la pussevliadad d'imputar lur occurrenzas sin ina gliesta ch'ella publichescha sin sia plattafuorma.

Art. 10 Collaboraziun

Uniuns e gruppaziuns che retscheivan sustegn dalla vischnaunca ein obligadas da collaborar tier occurrenzas ni eveniments communal.

Art. 11 Dretg da sponsur

Uniuns e gruppaziuns che retscheivan sustegn dalla vischnaunca ein obligadas da menziunar ella sco sponsura cun nudar igl uoppen dalla vischnaunca Lumnezia sin placats publicaziuns e correspondenzas en connex cun occurrenzas.

Art. 12 Annunzia dissoluziun

Vegn in'unioni ni ina gruppaziun sliada ni sistescha ella sias activitads, ha ella d'annunziar quei immediat alla vischnaunca.

IV. Disposiziuns finalas

Art. 13 Dretg legal

Per il pagament da contribuziuns exista da principi negin dretg legal.

Art. 14 Maldiever

Fa in'unioni ni ina gruppaziun valer contribuziuns cun annunzias incorrectas ni fatgs fauls, sa la vischnaunca pretender ina restituziun dallas contribuziuns e sistir sustegns futurs.

Art. 15 Vigur

Quest reglament entra en vigur suenter l'approbaziun entras la suprastanza communal e remplazza tuttas decisiuns e cunvegns specialas en connex cun sustegns per uniuns e gruppaziuns d'interess.

Approbau dalla suprastanza communal Lumnezia a caschun dalla sesida dils 24 da mars 2014.


Il president communal:



Duri Blumenthal



Igl actuar:



Marcus Cavegn

Aschunta

Contribuziuns finanzialas

Uniuns cun activitads “art e cultura”, “ social ed ambient”

Musicas da stuors	CHF	2000
Gruppas instrumentalas	CHF	500
Chors cun sur 50 commembers	CHF	2000
Chors cun sut 50 commembers	CHF	1000
Uniuns da dunnas	CHF	500
Uniuns da giuventetgna	CHF	500
Uniuns samaritanas	CHF	500

Uniuns cun activitads “sport e moviment” che promovon juvenils

JO Lumnezia	CHF	2000
Club da ballapei	CHF	2000
Ulteriuras uniuns sportivas	CHF	1000
Uniuns da tir	CHF	1000

Gruppaziuns d’interess tenor art. 76 dalla constituziun communal

Cuminonza Vrin	CHF	500
Fundaziun Pro Suraua	CHF	500
Uniun Pro Cumbel	CHF	500
Uniun Pro Lumerins	CHF	500

Contribuziuns unicas

Decisiun individuala entras la suprastanza communal per

- Projects da teater
- Eveniments da sport e cultura cun muntada regionala
- Ulteriuras contribuziuns per projects ed occurrenz

Honoraziuns

Decisiun individuala entras la suprastanza communal per success extraordinaris sil scalem cantunal e federal ed internaziunal